



**FINAL EXAMINATION / PEPERIKSAAN AKHIR
SEMESTER 2 – SESSION 2017 / 2018
PROGRAM KERJASAMA**

COURSE CODE : UHAS 2122
KOD KURSUS

COURSE NAME : PEMIKIRAN KRITIS DAN KREATIF
NAMA KURSUS

YEAR / PROGRAMME : 2 (DUA)
TAHUN / PROGRAM

DURATION : 2 JAM
TEMPOH

DATE : APRIL 2018
TARIKH

INSTRUCTION/ARAHAN :

BAHAGIAN A:

Jawab semua soalan di dalam borang **OMR** yang disediakan. **(40 MARKAH)**

BAHAGIAN B:

Jawab semua soalan di dalam **buku jawapan** yang disediakan. **(20 MARKAH)**

(You are required to write your name and your lecturer's name on your answer script)
(Pelajar dikehendaki tuliskan nama dan nama pensyarah pada skrip jawapan)

STUDENT'S NAME / NAMA PELAJAR	:
I.C NO. / NO. K/PENGENALAN	:
YEAR / PROGRAMME TAHUN / PROGRAM	:
COLLEGE NAME NAMA KOLEJ	:
LECTURER'S NAME NAMA PENSYARAH	:

This examination paper consists of **10** pages including the cover
Kertas soalan ini mengandungi **10** muka surat termasuk kulit hadapan

PUSAT PROGRAM KERJASAMA

PETIKAN DARIPADA PERATURAN AKADEMIK ARAHAN AM - PENYELEWENGAN AKADEMIK

1. SALAH LAKU SEMASA PEPERIKSAAN

1.1 Pelajar tidak boleh melakukan mana-mana salah laku peperiksaan seperti berikut :-

- 1.1.1 memberi dan/atau menerima dan/atau memiliki sebarang maklumat dalam bentuk elektronik, bercetak atau apa jua bentuk lain yang tidak dibenarkan semasa berlangsungnya peperiksaan sama ada di dalam atau di luar Dewan Peperiksaan melainkan dengan kebenaran Ketua Pengawas; atau
- 1.1.2 menggunakan makluman yang diperolehi seperti di atas bagi tujuan menjawab soalan peperiksaan; atau
- 1.1.3 menipu atau cuba untuk menipu atau berkelakuan mengikut cara yang boleh ditafsirkan sebagai menipu semasa berlangsungnya peperiksaan; atau
- 1.1.4 lain-lain salah laku yang ditetapkan oleh Universiti (seperti membuat bising, mengganggu pelajar lain, mengganggu Pengawas menjalankan tugasnya).

2. HUKUMAN SALAH LAKU PEPERIKSAAN

2.1 Sekiranya pelajar didapati telah melakukan pelanggaran mana-mana peraturan peperiksaan ini, setelah diperakukan oleh Jawatankuasa Peperiksaan Fakulti dan disabitkan kesalahannya, Senat boleh mengambil tindakan dari mana-mana satu yang berikut :-

- 2.1.1 memberi markah SIFAR (0) bagi keseluruhan keputusan peperiksaan kursus yang berkenaan (termasuk kerja kursus); atau
- 2.1.2 memberi markah SIFAR (0) bagi semua kursus yang didaftarkan pada semester tersebut.

2.2 Jawatankuasa Akademik Fakulti boleh mencadangkan untuk diambil tindakan tatatertib mengikut peruntukan Akta Universiti dan Kolej Universiti, 1971, Kaedah-kaedah Universiti Teknologi Malaysia (Tatatertib Pelajar-pelajar), 1999 bergantung kepada tahap kesalahan yang dilakukan oleh pelajar.

2.3 Pelajar yang didapati melakukan kesalahan kali kedua akan diambil tindakan seperti di perkara 2.1.2 dan dicadang untuk diambil tindakan tatatertib mengikut peruntukan Akta Universiti dan Kolej Universiti, 1971, Kaedah-kaedah Universiti Teknologi Malaysia (Tatatertib Pelajar-pelajar), 1999.

BAHAGIAN A: (40 Markah)

Jawab **semua** soalan di dalam borang **OMR** yang disediakan

1. Apakah yang dimaksudkan sebagai penjanaan akal secara radikal?
 - A. Menghala kepada usaha berfikir yang bersungguh-sungguh apabila sesuatu hal atau perkara memerlukan kita untuk berfikir.
 - B. Merupakan satu sistem kebenaran tentang sesuatu yang dipersoalkan sebagai hasil daripada berfikir.
 - C. Menghala kepada satu usaha yang dilakukan dengan jalan berfikir ke arah mencari hakikat dengan jalan kebenaran dan kebaikan menerusi alat berfikir iaitu akal.
 - D. Menghala kepada usaha berfikir secara global tetapi bertindak secara lokal.
2. Apakah isi kandungan utama yang terdapat didalam buku "*Malays Overseas*" yang telah ditulis oleh Syed Hussein Al-Attas?
 - A. Orang Melayu membuka minda mereka kepada segala input ilmu pengetahuan dari serata dunia.
 - B. Suasana dan lingkungan yang asing menyebabkan orang Melayu terkacau dan mengalami satu bentuk kejutan budaya yang sangat hebat.
 - C. Input dan maklumat persekitaran diterjemahkan sesuai dengan budaya Melayu.
 - D. Pemikiran tidak menjadi sempit dan jumud telah menjadi keutamaan.
3. Mengapakah kebenaran dan kebaikan tidak akan diperoleh jika kita hanya menggunakan akal semata-mata?
 - A. Akal memerlukan kemahiran logik dalam menilai sesuatu kebenaran.
 - B. Akal membolehkan manusia berfikir dengan lebih kritis dan kreatif.
 - C. Akal tidak boleh berdiri sendiri tanpa adanya agama.
 - D. Sains dan teknologi membantu manusia menggunakan akal dengan lebih cekap.
4. Apakah yang dimaksudkan sebagai daya fikir manusia?
 - A. Akal, roh, jasad, nafsu dan kalbu merupakan entiti kejadian setiap manusia.
 - B. Kekuatan dan kelemahan seseorang itu menggunakan akalnya untuk berfikir, khususnya yang berkaitan dengan permasalahan diri, alam dan Tuhan .
 - C. Akal merupakan sebahagian daripada entiti keseluruhan struktur fizikal dan kerohanian manusia.
 - D. Kebolehan seseorang itu berfikir dalam pelbagai perspektif serta tidak dipengaruhi oleh emosi dan perasaan.

5. Antara berikut yang manakah berkaitan dengan nilai diri, ideologi, tradisi songsang dan media?
- A. Daya Fikir Manusia
 - B. Tabiat akal
 - C. Falsafah
 - D. Penyelesaian Masalah
6. "*Pemikiran kreatif dan kritis lebih didorong untuk mencari keredaan Allah s.w.t dengan menampilkan sesuatu yang boleh memberi manafaat kepada orang lain*", Pernyataan ini telah dikemukakan oleh seorang ahli falsafah yang terkenal iaitu:
- A. Al-Imam Ghazali.
 - B. Mohd Salleh.
 - C. Ibnu Khaldun
 - D. Abd. Ghani
7. Tokoh ini mengibaratkan akal seumpama neraca yang sensitif yang digunakan untuk menimbang emas dan perak, siapakah beliau?
- A. Al-Imam Ghazali.
 - B. Mohd Salleh.
 - C. Ibnu Khaldun
 - D. Abd. Ghani
8. Berikut merupakan prinsip-prinsip berfikir dalam Islam **kecuali**;
- A. Hakikat
 - B. Kritis
 - C. Objektif
 - D. Telus
9. "*Orang ini tidak prihatin terhadap kesan daripada tindakannya, baginya bertindak amat mudah jika mengikut kebiasaan yang telah diamalkan sebelum ini*". Pernyataan ini merujuk kepada:
- A. Berfikir – Bertindak
 - B. Berfikir – Tanpa bertindak
 - C. Bertindak – Tanpa berfikir
 - D. Tidak Bertindak – Tanpa Berfikir
10. Apakah yang dimaksudkan sebagai "*Pemikiran yang bebas tanpa sempadan*"?
- A. Pemikiran yang bebas daripada nilai, norma, lelehur dan agama.
 - B. Pemikiran global yang berasaskan sains tulen.
 - C. Pemikiran yang berkaitan dengan masyarakat luar dan ketamadunan.
 - D. Pemikiran yang seimbang dari segi budaya dan agama.

11. Persepsi dapat disimpulkan secara sederhana bahawa:

- A. Persepsi melibatkan proses pemikiran kritis
- B. Persepsi berkait rapat dengan fakta sesuatu kenyataan
- C. Persepsi setiap individu adalah berbeza-beza berdasarkan kepada beberapa faktor dengan kata lain, persepsi bersifat personal
- D. Persepsi adalah proses kedua dalam pemikiran

12. Proses persepsi melibatkan beberapa peringkat tersebut

- A. Rangsangan deria – kumpul maklumat – mental set
- B. Kumpul maklumat – mental set – rangsangan deria
- C. Mental set – kumpul maklumat – rangsangan deria
- D. Rangsangan deria – mental set – kumpul maklumat

13. Persepsi yang melibatkan deria rasa, bau dan sentuhan adalah persepsi jenis

- A. Persepsi visual
- B. Persepsi kinestatik
- C. Persepsi bunyi
- D. Persepsi auditori

14. Antara berikut adalah sifat-sifat persepsi kecuali

- A. Persepsi bersifat personal
- B. Persepsi berkesinambungan
- C. Persepsi amat selektif
- D. Persepsi bersifat fakta

15. Secara umum bentuk atau sifat rangsangan terhadap persepsi yang boleh menarik perhatian orang ialah

- A. Objek yang berubah-ubah atau yang bergerak
- B. Perkara atau rangsangan yang luar biasa
- C. Rangsangan yang berlawanan
- D. Logik terhadap sesuatu perkara

16. “Model-model motosikal Harley Davidson pada masa ini contohnya hanya akan menjadi klasik pada seratus tahun akan datang” Kenyataan tersebut merujuk kepada sifat persepsi yang berikut

- A. Persepsi sering berubah-ubah
- B. Persepsi bersifat personal
- C. Persepsi berkesinambungan
- D. Persepsi amat selektif

17. Logik sangat berguna untuk, kecuali:

- A. Mencari kaitan sebab-akibat antara perkara dengan perkara yang lain
- B. Membuat andaian awal dalam satu-satu perkara
- C. Membuat kesimpulan tentang sesuatu
- D. Mempertahankan hujah-hujah kita bagi menyokong atau menolak sesuatu idea.

18. Berikut adalah kategori logik kecuali

- A. Logik tradisional
- B. Logik epistemologi
- C. Logik persekitaran
- D. Logik sains

19. Logik boleh digunakan asalkan ia tidak bercanggah dengan Al-Quran dan as-sunnah. Berikut adalah ciri logik islam kecuali:

- A. Asas hujah yang boleh digunakan untuk berhujah tentang Al-Quran dan ketuhanan
- B. Asas hujah yang ada kesangsian
- C. Asas pembuktian matematik
- D. Asas mengkaji bahasa dan kesusasteraan dan keseniaan

20. Berikut antara tokoh-tokoh yang terlibat secara langsung dalam perkembangan logic zaman moden kecuali:

- A. Berkeley
- B. John Stewart Mill
- C. Syeikh Jamaluddin Al-Afghani
- D. Martin Luther King

21. Bahagian otak ini cenderung kepada bahasa, matematik, logik, sekuens, linear dan analisis ia merujuk kepada;

- A. Otak Kiri
- B. Otak Kanan
- C. Otak atas
- D. Otak bawah

22. "Maklumat yang diproses hasil cantuman ini kemudiannya akan di hantar kembali ke pancaendera untuk tindakbalas selanjutnya"
Kenyataan ini merujuk kepada;

- A. Neuron
- B. Akson
- C. Dendrit
- D. Sinaps

23. Neuron merujuk kepada;
- A. Sel-sel otak yang berkembang biak dengan banyaknya setiap kali kita berfikir.
 - B. Ranting-ranting halus dan kecil yang membawa maklumat ke badan sel.
 - C. Saluran panjang yang mengubah maklumat dalam bentuk pulsa elektrik.
 - D. Bertindakbalas dengan menghantar maklumat.
24. "Pada tahap ini otak manusia berada dalam keadaan konsentrasi yang tinggi dan boleh menyelesaikan masalah yang mencabar" keadaan ini berlaku pada gelombang otak;
- A. Beta
 - B. Alpha
 - C. Thetha
 - D. Delta
25. Seorang pemikir yang berkesan haruslah mempunyai sikap seperti berikut **kecuali**
- A. Tidak stereotaip dan prasangka
 - B. Boleh membuat keputusan berasaskan maklumat
 - C. Tidak takut / malu mengeluarkan idea/ pandangan
 - D. Tidak mementingkan ketepatan
26. Agen pemikiran merujuk kepada;
- A. Baka
 - B. Keluarga
 - C. Pendidikan
 - D. Semua di atas
27. Konsep pemikiran yang manakah **tidak benar**
- A. Pemikiran tak seberapa.
 - B. Pemikiran memihak.
 - C. Pemikiran libatan ego.
 - D. Pemikiran tidak beregoan.
28. "*Mereka lebih cenderung kepada bentuk, ruang, lukisan, corak, rentak dan irama.*" Mereka terdiri daripada orang yang menggunakan;
- A. Otak Kanan
 - B. Otak Kiri
 - C. Dua-dua Otak
 - D. Tiada Otak

29. *Machieavelli* di dalam falsafah pemikirannya amat popular dengan istilah

- A. Matlamat tidak menghalalkan cara
- B. Matlamat menghalalkan cara
- C. Sesuatu yang bermakna adalah perlu
- D. Bercerai kita roboh bersatu kita teguh

30.

- Tokoh ini berpegang kepada prinsip 'ratio' secara mutlak.
- Manusia digerakkan atas nama akal semata-mata

Tokoh yang dimaksudkan dengan pernyataan di atas ialah;

- A. Aristotle.
- B. Plato.
- C. Socrates
- D. Descrates

31. Penaakulan bermaksud

- A. Proses penapisan maklumat mengikut kategori-kategorinya untuk mendapatkan maklumat yang terbaik.
- B. Proses perbezaan maklumat mengikut kategori-kategorinya untuk mendapatkan maklumbalas dari masalah.
- C. Proses menyelesaikan masalah dengan menggunakan metodologi saringan maklumat.
- D. Proses menggunakan fakta, pengetahuan dan strategi penyelesaian masalah untuk menghasilkan kesimpulan untuk menyelesaikan masalah tersebut.

32. Apakah yang dimaksudkan sebagai falsafah berfikir secara sederhana?

- A. Daya usaha untuk memahami sistem metafizik, nilai, akhlak, aksiologi dan epistimologi.
- B. Sistem kebenaran tentang sesuatu yang dipersoalkan sebagai hasil daripada berfikir.
- C. Satu usaha yang dilakukan dengan jalan berfikir kearah mencari hakikat dengan jalan kebenaran dan kebaikan menerusi alat berfikir iaitu akal.
- D. Satu usaha yang dilakukan untuk memahami dan mengaplikasikan ilmu yang dipelajari.

33. Pernyataan berikut merujuk kepada model berfikir yang datang dari barat yang mengandungi unsur negatif yang boleh menjejaskan akidah dan keimanan, **kecuali** :

- A. Tidak mementingkan motif-motif naluri (seperti teori Psikoanalisis-Freud) dalam hal acara berfikir.
- B. Ia tidak menekankan soal ketuhanan dan sang pencipta.
- C. Mereka menyatakan bahawa akal adalah sumber kuasa tanpa batas.
- D. Mereka memberi penekanan terhadap proses tingkah laku berbanding unsur-unsur rohani.

34. Teori Albert Einstein yang terkenal sehingga digunakan manusia untuk membina bom atom ialah;

- A. $A = a+b+c$
- B. $E = mc^2$
- C. $C = mc^3$
- D. $R = mc^4$

35. Teori Psikoanalisis dipelopori oleh:

- A. Sigmund Freud.
- B. Karl Max.
- C. John Lock
- D. Benjamin Bloom

36. Berikut adalah kegunaan logik **kecuali**,

- A. Mencari kaitan sebab-akibat antara perkara dengan perkara yang lain, satu peristiwa dengan peristiwa lain.
- B. Membuat dan mengenalpasti andaian.
- C. Untuk membuat kesimpulan tentang sesuatu.
- D. Untuk mempertahankan hujah-hujah bagi menyokong atau menolak sesuatu idea, cadangan atau pandangan.

37. Faktor-faktor yang mempengaruhi daya fikir manusia adalah seperti berikut **kecuali**,

- A. Agama.
- B. Hawa nafsu.
- C. Cuaca
- D. Tradisi songsang

38. Psikologi Pemikiran Islam berasaskan

- A. Al-Quran sahaja.
- B. Al-Quran dan As-sunnah.
- C. Akal
- D. Emosi

39. Berikut merupakan elemen-elemen penting mengenai keutuhan berfikir cara Islam, **kecuali**

- A. Kesempurnaan wawasan
- B. Kesatuan dan keharmonian
- C. Keduniaan semata-mata
- D. Hakikat

40. Padanan manakah **salah** mengenai manusia yang berfikir dan bertindak?

- A. Berfikir – bertindak – orang yang beruntung
- B. Berfikir - bertindak – orang yang rugi
- C. Bertindak – tanpa berfikir – orang yang terpelihara
- D. Tidak berfikir – tanpa berfikir – orang yang malang

BAHAGIAN B: (20 Markah)

Jawab **semua** soalan di dalam buku jawapan yang disediakan.

1. Konteks tidak formal lebih terbuka dan relaks. Terangkan **dua (2)** konteks tidak formal dalam prinsip menyoal? **(4 Markah)**
2. Jelaskan maksud Falasi Bias sendiri dan Falasi Putar Belit (Putar Alam) beserta contoh. **(4 markah)**
3. Jelaskan **dua (2)** kategori hujah beserta contoh. **(4 markah)**
4. Jelaskan perbezaan ciri-ciri soalan bertumpu dan soalan bercapah. **(4 Markah)**
5. Falasi terbagi kepada 2 bahagian iaitu Falasi Formal dan Falasi tidak Formal. Huraikan maksud falasi formal dengan falasi tidak formal beserta contoh. **(4 Markah)**

~~~~SOALAN TAMAT~~~~  
*Selamat Berjaya*

**Mukasurat ini sengaja dibiarkan kosong**

***[ This page is purposely left blank ]***



**Mukasurat ini sengaja dibiarkan kosong**

*[ This page is purposely left blank ]*